

Headline	TRe, Envision Digital tingkat operasi ladang solar		
MediaTitle	Sinar Harian		
Date	26 May 2020	Language	Malay
Circulation	140,000	Readership	420,000
Section	Bisnes	Page No	26
ArticleSize	105 cm ²	Journalist	N/A
PR Value	RM 3,528		



TRe, Envision Digital tingkat operasi ladang solar

ANAK syarikat milik penuh Tenaga Nasional Berhad (TNB), Renewables Sdn. Bhd. (TRe), jalin kerjasama dengan Envision Digital International Pte Ltd (Envision Digital) untuk meningkatkan penjanaan tenaga dan kecekapan operasi ladang solar berskala besar (LLS) di Sepang, Selangor.

Ladang solar berkapasiti 50 megawatt (MW) itu mempunyai 238,140 panel solar yang menjana lebih daripada 110,000 megawatt tenaga setiap jam (MWh) dalam tahun pertama operasinya pada 2019.

Pengarah Urusan TNB Renewables, Ir. Mohd Yusrizal berkata, kerjasama dengan syarikat dari Singapura itu melibatkan penggunaan aplikasi analisis digital berasaskan teknologi awan seperti EnlightTM Solar, EnsignTM Solar dan Forecaster.

“Aplikasi ini akan meningkatkan kemampuan TRe untuk menyumbang secara aktif kepada pembangunan serta penggunaan tenaga boleh diperbaharui daripada pelbagai sumber merentasi portfolio aset tenaga syarikat,” katanya dalam satu kenyataan baru-baru ini.